

四庫全書

史部

欽定四庫全書

史部

欽定續文獻通考卷十四

二至
四

編修_臣 翟槐覆勘

總校官內閣中書_臣 孫溶

欽定四庫全書

欽定續文獻通考卷十二

戶口考

臣等謹按馬端臨作戶口考備叙戶口丁中賦役而附以奴婢自夏周以迄於宋國運之強弱徵於民數之繁減自古勤民之主未有不以休養民生為亟者也馬氏所載宋時戶口南渡以後莫盛於寧宗嘉定時乃至景定間而所損過半豈非歲有

敵兵敗降相繼之故耶遼時戶口大率以兩丁為一戶有隸於五京者有隸於官府者史志或詳或闕金制戶有數等泰和年間版籍稱極盛其後不勝調發相繼逃亡元初屢行括戶之令至世祖定戶籍之制始有元管交參諸目明初即定人戶以籍為斷每十年一造黃冊然史志所載或當承平之時而戶口反減際兵燹之後而戶口反增則由有司之編冊未能覈實故也今於宋末及遼金元

明各朝戶口之可考者以次類叙而即民之盈耗
可以見世之盛衰為國之要在於得民不信然
歟

戶口丁中

宋寧宗慶元元年正月詔兩浙淮南江東路荒歉諸州收

養遺棄小兒

互見賑卹門

至開禧元年三月嚴民間生子棄殺之禁嘉定二年
七月詔荒歉州縣七歲以下男女聽異姓收養著為

令

宋史儒林傳曰黃震提舉常平倉初常平有慈幼局為貧而棄子者設而名存實亡震謂收哺於既棄之後不若先其未棄而保全之乃損益舊法凡當免而貧者許里胥請於官而贍之棄者許人收養官出粟給所收家成活者衆

五月詔諸路提舉司修胎養令

互見賑卹門

開禧三年正月令兩淮帥守招集流民

嘉定二年五月詔兩淮荆襄守令以戶口多寡為殿最
理宗紹定二年五月詔戶絕者許立嗣毋妄籍沒

景定五年

時度宗
已即位

兩浙江東西湖南北廣東福建成

都京西潼川夔利路戶五百六十九萬六千九百八十
九口一千三百二萬六千五百三十二

臣等謹按理宗本紀寶慶元年止載兩浙路戶一
百九十七萬五千九百九十六口二百八十二萬
二千三十三福建路戶一百七十萬四千一百八

十六口二百五十五萬三千七十九餘俱闕漏不
盡以兵戰之故也

遼建五京幅員萬里其戶丁之可見者有五京鄉丁諸
官衛戶丁

五京鄉丁者臨潢為上京丁一十六萬七千二百遼
陽為東京丁四萬一千四百遼西為中京丁籍莫考

可見者高州三韓一縣丁一萬蕃漢轉戶為多

以上三道

應丁二十一萬八千六百兵衛志則析津為南京丁
云二十二萬六千一百與細數不同

五十六萬六千大同為西京丁三十二萬二千七百

以上二道應共丁八十八萬八千七百兵

衛志則云八十萬六千七百與細數不符契丹本戶

多隸宮帳部族其餘蕃漢戶丁分隸者皆不與焉大

約五京民丁可見者一百一十萬七千三百

以細數考之應

為一百一十萬二千三百當有小誤為鄉兵

諸宮衛戶丁者遼國之法天子踐位則置宮衛分州

縣析部族設官府籍戶口備兵馬太祖曰弘義宮

正戶

八千轉戶七千正丁一萬六千轉丁一萬四千

太宗曰永興宮

正戶三千轉戶七千正丁

六千轉丁世宗曰積慶宮正戶五千轉戶八千正應
一萬四千

天皇太后曰長寧宮正戶七千轉戶六千正丁穆宗
一萬四千轉丁一萬二千

曰延昌宮正戶一千轉戶三千正景宗曰彰愍宮正戶
正丁二千轉丁六千八十

轉戶一萬正丁一萬承天太后曰崇德宮正戶六千轉
萬六千轉丁二萬正丁

一萬二千聖宗曰興聖宮正戶一萬轉戶二萬興宗
轉丁二萬正丁二萬轉丁四萬

曰延慶宮正戶七千轉戶一萬正道宗曰太和宮正
丁一萬四千轉丁二萬

一萬轉戶二萬正天祚帝曰永昌宮正戶七千轉戶
丁二萬轉丁四萬一萬正丁一萬

四千轉孝文皇帝弟曰敦睦宮正戶三千轉戶五千
丁二萬正丁六千轉丁一萬

文忠王府

正戶五千轉戶八千正
丁一萬轉丁一萬六千

凡十二宮一府為

正戶八萬蕃漢轉戶十二萬四千共二十萬四千戶

為正丁十六萬蕃漢轉丁二十四萬八千凡諸宮衛

人丁四十萬八千

互見
兵考

臣等謹案遼時戶口史無明文地理志雖載有戶

然各郡縣戶總計之不過五十五萬有奇而或詳

或闕或云分隸於官府而無其數今以營衛志戶

數參校兵衛志丁數大率以兩丁為一戶正戶八

萬者其丁即為十六萬蕃漢轉戶十二萬四千者
其丁即為二十四萬八千至五京民丁有隸官府
者有不隸於官府者然每戶亦不過兩丁因五京
民丁之可見者止一百一十萬七千三百故五京
之戶亦止五十五萬有奇也蓋有丁數見於兵志
者地理志始載其戶無丁者舉闕之耳

如兵志云
上京臨潢

縣丁七千地志即云戶三千五百長泰縣丁八千
地志即云戶四千渤海興仁二縣無丁地志即不
言戶數其餘
四京類然不然中京道統縣九轄軍府州城二

十三豈有獨載三韓一縣戶丁之理葉隆禮契丹國志謂東京戶口三十萬其說似為近之餘俱不可考矣

太祖壬戌歲

唐天復二年

七月攻下河東河北九郡獲生口

九萬五千

癸亥歲春伐女直獲其戶三百

乙丑歲十月以兵助唐河東節度師李克用擊劉仁恭拔數州盡徙其民以歸

五年正月東西奚五部盡入版籍

先是德祖俘奚七千戶徙饒樂之清河哈陶津汗時
創為奚德呼勒部分十三縣至太祖即位親征西部
奚下之復分兵平東部奚於是盡有奚靉之地東際
海南暨白檀西踰松漠北抵潢水凡五部咸入版籍
神冊元年七月平爰厥吐渾黨項小蕃沙陀諸部俘其
戶萬五千六百

至八月拔朔州十一月攻蔚新武媯儒五州俘獲不

可勝計自代北至河曲踰陰山盡有其地
四年二月修遼陽故城以漢民渤海戶實之

時帝初得韓延徽命參軍事延徽請樹城郭分市里
以居漢人之降者又為定配偶教樹藝以生養之以
故逃亡者少

十月破烏爾古部俘獲生口萬四千二百舉部來附

臣等謹按兵衛志載是年親征裕庫噶國俘獲之
數與此正同蓋即一事也

五年十月徙晉天德軍之民於陰山南

至六年十一月畧檀順安遠三河良鄉望都潞滿城
遂城等十餘城俘其民徙內地十二月徙晉新州防
禦使王郁所部於潢水之南徙檀順民於東平瀋州
天贊元年十月以戶口滋繁輒踈遠分北遼寧額為
二部立兩節度以統之

三年五月徙薊州民實遼州地

十月盡取西鄙諸部有其衆

初神冊五年黨項諸部叛帝親征俘生口二千六百
至是復大征吐渾黨項準卜等部擊索歡納山東部
族破之遣騎攻準卜畧地西南又破呼穆蘓山諸蕃
部又遣兵踰流沙拔浮圖城西鄙諸部悉為遼有
天顯元年正月拔渤海扶餘城議括戶口太子倍諫止
之

時欲括戶口倍諫曰今始得地而料民民必不安從
之既平渤海地方五千里五京十五府六十二州盡

有其衆國境益大

太宗時籍五京戶丁以定賦稅

臣等謹按聖宗統和二十五年建中京興宗重熙十三年升雲州為西京而五京之稱始備此時尚未有也與前天顯元年稱五京同誤

天顯三年

太宗即位不改元

十二月遣耶律羽之遷東丹民以

實東平

初天顯元年渤海平立皇太子倍為東丹王以羽之

為中臺省右次相帝即位羽之上表曰渤海昔畏南
朝阻險自衛居輝罕城今去上京遼邈既不為用又
不罷戍果何為哉先帝因彼離心不戰而克天授人
與彼一時也遺種寢以蕃息今居遠境恐為後患梁
水之地乃其故鄉地衍土沃有木鐵鹽魚之利乘其
微弱徙還其民此萬世長策也彼得故鄉又獲美利必
安居樂業然後選徒以翼吾左寢厥黨項室帑夾輔
吾右可以坐制南邦混一天下表奏帝嘉納之是歲

詔徙東丹國民於梁水其民或亡入新羅女直詔因
乏不能遷者許上國富民給贍而隸屬之

臣等謹按義宗傳曰倍既讓位於太宗太宗見疑
以東平為南京徙倍居之盡遷其民又置衛士陰
伺動靜是東平之徙實欲制倍耳非僅為渤海遺
民計也

四年二月閱約尼氏戶籍

會同元年十一月晉主以幽薊瀛莫涿檀順媯儒新武

雲應朔蒙蔚十六州并圖籍來獻

二年十月以烏爾古部水草肥美詔南北院徙三錫林
戶居之

九年三月吐谷渾遣使來獻生口千戶

大同元年四月得晉歸順州七十六處戶一百九萬一
百一十八

臣等謹按五代史石氏入立獻十有六州於契丹
而得蜀金州又增置之州一合一百九州以為晉

劉氏之初秦鳳階成復入於蜀隱帝時增置之州
一合一百六州以為漢是晉亡後除四州外其地
盡歸於漢此所得七十六處之戶第就歸順時紀
其數耳實未嘗為遺有也

景宗保寧三年十一月臚胸河裕悅楊尼哩等率戶四
百來附乞隸官籍詔留其戶分隸敦睦積慶永興三官
聖宗統和元年二月南京統軍使耶律善補奏宋邊七
十餘村來附詔撫存之

五月善補又招亡入宋者得千餘戶歸國詔令撫慰
三年八月令乾顯二州上所部里社之數

四年正月討女直獲生口十餘萬

太平六年二月東京留守巴格奏黃翩得女直降戶
二百七十詔獎諭之至興宗重熙九年十二月以所
獲女直戶置肅州

十月命巡檢西山四州人民

政事令室昉奏西山四州自宋兵後人民轉徙盜賊

充斥之下有司禁止命新州節度使選人分道巡檢
七年正月破宋易州遷易州軍民於燕京遣涿州刺史
護送易州降人八百還隸本貫

時宋雞壁砦守將郭榮率衆來降砦民二百戶徙居
檀順薊三州復分八戶隸飛狐

八年七月詔併省東京路州縣以其民分隸他郡

時置定霸保和宣化洪理廣義長慶安德七縣省州
十縣八

九年七月通括戶口

至十五年三月通括宮分人戶二十一年十一月通括南院部民

十三年四月詔諸道民戶應歷以來脅從為部曲者仍籍州縣

至興宗重熙十年二月詔博囉滿達部歸哈斯罕之沒入者使復業

十四年三月詔安集朔州流民

十五年二月徙梁門遂城泰州北平民於內地

至二十五年城中京實以漢戶開泰八年五月遷寧
州渤海戶於遼土二河之間至興宗重熙時詔徙富
民以實春泰二州權中京副留守劉伸以為不可奏
罷之

開泰二年四月詔以韓斌所括贍國達魯河奉豪等州
戶二萬五千四百有奇置長霸興仁保和等十縣

臣等謹案上統和八年七月置七縣內已有保和

地理志亦云統和八年置則此文疑誤

四年四月徙伊濟等部衆於臚朐河

時伊濟既平議內徙其衆伊濟安土重遷遂叛乃誘其衆并達魯特所獲薩木實部民城臚朐河上以居之

興宗重熙八年六月詔括戶口

時以天下無事戶口蕃息遂有南伐之志北院樞密使蕭孝穆諫不報

十二年六月詔漢人宮分戶絕恒產以親族繼之

道宗太康九年六月詔諸路檢括脫戶罪至死者原之
先是朝廷遣使括三京隱戶不得以東京留守耶律
音濟代之得四千餘戶至是復有是詔

能吏傳曰馬人望為三司度支判官會檢括戶口
未兩旬而畢同知留守蕭保先怪而問之人望曰
民戶若括之無遺他日必長厚歛之弊大率十得
六七足矣保先謝曰君慮遠吾不及也

大安三年二月以歲洊饑民多流散除安泊逃戶徵償
法

十年六月禁邊民與蕃部為婚

嘉隆四年正月徙準卜等貧民於山前

天祚帝天慶三年三月籍諸道戶徙達里庫山圍場地
居民於別土

金制戶有數等有課役戶不課役戶本戶雜戶正戶監
戶官戶奴婢戶二稅戶

有物力者為課役戶無者為不課役戶女直為本戶
漢人及契丹為雜戶明安穆昆之奴婢免為良者止
隸本部為正戶沒入官良人隸官籍監者為監戶沒
入官奴婢隸太府監者為官戶戶以五家為保戶主
推其長充男女二歲以下為黃十五以下為小十六
為中十七為丁六十為老無夫為寡妻妾諸廢篤疾
不為丁凡戶口計帳三年一籍自正月初州縣以里
正主首明安穆昆則以寨使詣編戶家責手實其男

女老幼年與姓名生者增之死者除之正月二十日
以實數報縣二月二十日申州以十日內達上司無
遠近皆以四月二十日到部呈省凡漢人渤海人不
得充明安穆昆戶

太祖天輔二年六月以善地分處降附新民

時遼通棋雙遼等州八百餘戶來歸命分置諸部擇
膏腴之地處之七月遼戶二百來歸處之泰州又詔
達魯噶部貝勒色埒凡降附新民善為存撫來者各

令從便安居給以官糧毋輒動擾六年又命耶律佛寧以兵護送諸降人於渾河路以皇弟昂監之從便以居七年以山西諸部族近西北二邊且遼主未獲恐陰相結誘復命皇弟昂與貝勒撟歡等以兵四千護送處之嶺東惟西京民安堵如故且命昂鎮守上京路既而聞昂已過上京而降人復苦其侵擾多叛亡者遂命貝勒綽爾多往戒諭之比至而諸部已叛去又以明安詳袞留住所領歸附之民還東京命有司

常撫慰且貸一歲之糧其親屬被虜者皆令聚居
七月命稽必魯水路等戶登耗之數

詔必魯水路完顏卓哩布渤海大嘉努等六穆昆貧
乏之民昔嘗給以官糧置之漁獵之地今厯日已久
不知登耗可具其數以聞至三年五月詔咸州路都
統司曰兵興以前哈斯罕輝發里與係遼籍不係遼
籍女直戶民有犯罪流竄邊境或亡入於遼者本皆
吾民遠在異地朕甚憫之今既議和當行理索可明

諭諸路千戶穆昆徧與詢訪其官稱名氏地里具錄以聞

臣等謹案本紀金初千戶多以降將領之收國二年漢人李孝功渤海二哥率衆來降命各以所部為千戶遼懿州節度使劉宏以戶三千來降以為千戶是也又其時有萬戶之名詳見兵制

五年以境土既拓舊部多瘠鹵移其民於泰州

先遣皇弟昱及族子宗雄按視其地昱等置其土以

進言可種植遂摘諸明安穆昆中民戶萬餘使宗人博勒和統之

六年既定山西諸州以上京為內地移其民實之

至世宗大定二十五年四月詔於率賓呼爾哈兩路選三十穆昆為三明安移置於刷達巴罕之地以實上京

七年二月取燕京路盡徙六州氏族富強工技之民於內地

卷十二
詔按班貝勒郡縣今皆撫定有逃散未降者已釋其
罪更宜招諭之前後起遷民戶去鄉未久豈無懷土
之心令所在有司深加存恤毋輒有騷動衣食不足
者官賑貸之

太宗天會元年十一月徙遷潤來隰四州之民於瀋州
後世宗大定二十一年六月徙銀山側民於臨潢

臣等謹按食貨志云太宗天會元年以舊徙潤隰
等四州之民於瀋州之地新遷之戶艱苦不能自

存詔民乏食鬻子者聽以丁力等者贖之是四州
民之徙瀋州乃天會元年以前事與紀異

六年三月命南路軍帥實古訥籍節度使完顏慎思所
領諸部及未置明安穆昆戶來上

世宗大定三年八月罷契丹明安穆昆以其戶分隸女
直明安穆昆

金史曹望之傳曰大定中望之同知西京留守事
上書論便宜事其一論山東河北明安穆昆與百

姓雜處民多失業陳蔡汝潁之間土廣人稀宜徙
百姓以實其處復數年之賦以安輯之百姓亡命
及避役軍中者閱實其人使還本貫或編近縣以
為客戶或留為佃戶者亦籍其姓名州縣與明安
事干涉者無相黨匿庶幾軍民協和盜賊弭息書
奏多見采納

十二月詔流民未復業者增限招誘

十七年五月釐正伊勒敦部獵戶

省臣奏延平府路一千五百餘戶自陳皆長白山錫
馨察遜河女直人遼時僉為獵戶移居於此號伊勒
敦部遂附契丹籍本朝義兵之興首詣軍降仍居本
部今乞釐正詔從之

二十年令明安穆昆人戶與漢人錯居

帝謂宰臣曰明安穆昆人戶兄弟親屬若各隨所分
土與漢人錯居每四五十戶結為保聚農作時令相
助濟此亦勸相之道也至章宗明昌二年四月以齊

民與屯田戶往往不睦從尚書省奏許民戶與屯田戶遞相婚姻

二十一年六月命避役之戶舉家逃於他所者元貫及所寓司縣官同罪為定制

至章宗泰和七年六月勅中物力戶有役則多逃避有司令以次戶代之事畢則復業以致大損不逃之戶令省臣詳議宰臣奏舊制太輕遂命課役全戶逃者徒二年賞告者錢五萬先逃者以百日內自首免

罪如實銷乏者內從御史臺外從按察司體究免之
二十二年命括明安穆昆戶口以實籍之

初太祖即位之二年以三百戶為穆昆穆昆十為明
安又嘗用遼人額哩頁以北部百三十戶為一穆昆
漢人王六兒以諸州漢人六十五戶為一穆昆王伯
龍高從祐並領所部為一明安熙宗皇統五年又分
明安穆昆為上中下三等海陵天德二年削其名但
稱為諸明安穆昆至帝大定十五年十月遣官十人

分行天下再定明安穆昆戶每穆昆戶不過三百七
穆昆至十穆昆置一明安及是以明安穆昆舊籍不
明遇簽軍與諸差役及賑濟增減不以實故有是命
二十三年七月明安穆昆戶口之數

明安二百二穆昆千八百七十八戶六十一萬五千

六百二十四口六百一十五萬八千六百三十六

內正

口四百八十一萬二千六百六十九奴
婢口一百三十四萬五千九百六十七在都宗室將

軍司戶一百七十口二萬八千七百九十

內正口九
百八十二

奴婢口二萬
七千八百八
德呼勒唐古二部五紮戶五千五百八

十五口十二萬七千五百四十四
內正口十萬九千四百六十三奴婢

口一萬八

千八十一

二十五年命宰臣禁有祿人一子及農民避課役為僧

道者

至明昌元年正月又以上封事者言禁自披剃為僧

道者

二十七年天下戶口之數

大定初天下戶纔三百餘萬至是戶六百七十八萬
九千四百四十九口四千四百七十萬五千八十六
章宗明昌元年天下戶口之數

戶六百九十三萬九千口四千五百四十四萬七千
九百至六年十二月天下女直契丹漢戶七百二十
二萬三千四百口四千八百四十九萬四百物力錢
二百六十萬四千七百四十二貫

泰和五年五月詔定遼東邑社人數

六月制鎮防軍逃亡致邊事失錯陷敗戶口者罪

七年十二月天下戶口之數

戶七百六十八萬四千四百三十八口四千五百八十一萬六千七十九戶增於大定二十七年一百六十二萬三千七百一十五口增八百八十二萬七千六十五此金版籍之極盛也至宣宗興定末河壩為疆烽鞞屢警故集慶軍節度使溫特赫達言亳州戶舊六萬自南遷以來不勝調發相繼逃去所存者曾

無十一碣山下邑野無居民矣

宣宗貞祐三年四月詔有司勿拒河北避兵之民所至
加存恤

至元光元年十月以京兆官民避兵南山者多至百
萬詔兼同知府事完顏寔等安撫其衆哀宗天興元
年正月起近京諸邑軍家屬五十萬口入京以避元
兵也

興定元年十二月招逃戶復業

自衛紹王之時軍旅不息宣宗立而南遷死徙之餘
所在為虛戶口日耗軍費日急賦歛繁重皆仰給於
河南民不堪命率棄廬田相繼亡去乃屢降詔復業
者免其歲之租然以國用乏竭逃者之租皆令居者
代出以故多不敢還至是帝欲懸賞募人捕亡己而
復慮騷動遂命依已降詔書已免債逋更招一月違
而不來者然後捕獲治罪而以所遺地賜人至四年
省臣奏河南以歲饑而賦役不息所亡戶令有司招

之至明年三月不復業者論如律

金十九路民戶之數

上京路

會寧府戶三萬一千二百七十肇州戶五千三百七十五隆州戶一萬一百八十信州戶

七千三百

咸平路

咸平府戶五萬六千四百四韓州戶一萬五千四百一十二

東

京路

遼陽府戶四萬六千四百四澄州戶一萬一千九百三十五潘州戶三萬六千八百九十二貴德州

戶二萬八百九十六益州戶一萬八千四百五十六復州戶一萬三千九百五十

北京路

定大

府戶六萬四千四十七利州戶二萬一千二百九十

六義州戶三萬二千三百三十三錦州戶三萬九千一百

二十三瑞州戶一萬九千九百五十三廣寧府戶四

萬三千一百六十一懿州戶四萬二千三百五十一

興中府戶四萬九百二十七建州戶一萬一千四百
三十九全州戶九千三百十九臨潢府戶六萬七千
九百七慶州戶二千七興州戶一萬
五千九百七十泰州戶三千五百四
八千四百四十四豐州戶二萬二千六百八十三宏
州戶二萬二千二淨州戶五千九百三十八桓州戶
五百七十八撫州戶一萬一千三百八十德興府戶
八萬八千八百六十八昌州戶一千二百四十一宣
德州戶三萬二千一百四十七朔州戶四萬四千八
百九十武州戶一萬三千八百五十一應州戶三萬
二千九百七十七蔚州戶五萬六千六百七十四雲
內州戶二萬四千八百六十八寧邊州戶六千七十
二東勝州戶三
中都路大興府戶二十二萬五千五
千五百三十一
百九十二通州戶三萬五千
九十九薊州戶六萬九千一十五易州戶四萬一千
五百七十七涿州戶一十一萬四千九百一十二順

州戶三萬三千四百三十三平州戶四萬一千七百
四十八灤州戶六萬九千八百六雄州戶二萬四百
一十一霸州戶四萬一千二百七十六保州戶九萬
三千二十一安州戶三萬五百三十二遂州戶一萬
一千一百七十四安肅州

南京路

開封府戶百七十

戶一萬二千九百八十
十雖州戶四萬六千三百六十歸德府戶七萬六千
三百八十九單州戶六萬五千五百四十五壽州戶
八千六百七十七陝州戶四萬一千一百一十鄆州戶二
萬四千九百八十九唐州戶一萬一千三十一裕州
戶八千三百河南府戶五萬五千六百三十五嵩州
戶二萬六千六百四十九汝州戶三萬五千二百五
十四許州戶四萬五千五百八十七鈞州戶一萬八
千五百一十亳州戶六萬五百三十五陳州戶二萬
六千一百四十五蔡州戶三萬六千九百三十三息州戶
九千六百八十五鄭州戶四萬五千六百五十七頓

州戶一萬六千七百一十四宿州戶五萬五千五十八泗州戶八千九十二

河北東路

河間

府戶三萬一千六百九十一蠡州戶二萬九千七百九十七莫州戶二萬二千九百三十三獻州戶五萬六千三百四十二冀州戶三千六百七十深州戶五萬六千三百四十清州戶四萬七千八百七十五滄州戶一十四萬四千七百七十四景州戶六萬五千八百二十八

河北西路

真定府戶一十三萬

七千一百三十七威州戶八千三百一十沃州戶三萬八千一百八十五邢州戶八萬二千九百九十二洺州戶七萬三千七百七十九彰德府戶七萬七千二百七十六磁州戶六萬三千四百一十七中山府戶八萬三千四百九十祁州戶二萬三千三百八十二滄州戶二萬九千三百一十九衛州戶九萬一百一十二滑州戶二萬二萬二千

山東東路

益都府戶一十一萬八千七百一十八濰州戶三萬九百

八十九濱州戶一十一萬八千五百八十九沂州戶	二萬四千三十五密州戶一萬一千八百八十二海州戶	三萬六千九百九十一莒州戶四萬五千二百四十棗州戶	八萬二千三百三十三濟南府戶三十萬八千四百六	十九濰州戶一十二萬八千六百二十二萊州戶八	萬六千六百七十五登州戶五萬五千九百一十三	寧海州戶六萬一	千九百三十三	山東西路	千四百六十六濟州戶四萬	四百八十四徐州戶四萬四千六百八十九邳州戶	二萬七千二百三十二滕州戶四萬九千九百九十九	八萬八千四百六十六兗州戶五萬九千九百九十九	萬一千四百三十五德州戶一萬五千五百三十三曹州	戶一萬二千	大名府路	大名府戶三十萬八千五百	六百七十七	百一十九濮州戶五萬二千九百四	十八開州戶三萬三千八百三十六	河東北路	太原府戶
----------------------	------------------------	-------------------------	-----------------------	----------------------	----------------------	---------	--------	------	-------------	----------------------	-----------------------	-----------------------	------------------------	-------	------	-------------	-------	----------------	----------------	------	------

四萬一千六百四十九	千七百五十六	八百五十	六路州戶七萬九千二百三十二	七萬一千二百三十二	百三十九	州戶一萬三千三百二十四	六千九百三十六	一管州戶五千八百八十一	十一保德州戶三千一百九十	州戶一萬七千五百五十七	十興州戶七千五百九十二	葭州戶八千八百六十四	萬七千二百二十七	四十一平定州戶一萬八千三百九十六	一十六萬五千八百六十二
京兆府路	京兆府路	京兆府路	遼州戶一萬五千	澤州戶五萬九千四百一十	一十三萬	河中府戶十萬六千五	二萬五千四百四十五	河東南路	平陽府戶	崞嵐州戶五千八百五	寧化州戶六千一百	代州戶五萬七千六百九	石州戶三萬六千五百二十八	三萬八千三百九十六	祈州戶三萬二千三百
商	八	六	千	十	一	五	吉	萬	戶	五	百	九	八	八	百

州戶三千九百九十九	號州戶一萬二千	乾州戶
二萬六千八百五十六	同州戶三萬五千五百六十	
一耀州戶五萬二千一百一十	鳳翔路	鳳翔府戶六萬二
二華州戶五萬三千八百		千三百二德順州
戶三萬五千四百四十九	平涼府戶三萬一千三十	
三鎮戎州戶一萬四千四百四十七	秦州戶四萬四百四	
十八隴州戶一萬	廊延路	延安府戶八萬八千九百
六千四百四十二		九十四丹州戶一萬三千
七十八保安州戶七千三百四十	綏德州戶一萬二	
千七百二十	鄜州戶六萬二千九百三十一	坊州戶
二萬七百	慶原路	慶陽府戶四萬六千一百七十一
四十六		環州戶九千五百四
寧州戶三萬		
四千七百五十七	邠州戶四萬七千二百九十一	原
州戶一萬七千八百	涇州戶二萬六千二百九十	
臨洮路	臨洮府戶一萬九千七百二十一	積石州戶
五千一百八十五	洮州戶一萬一千三百三	

十七蘭州戶一萬一千三百六十鞏州戶三萬六千三百一會州戶八千九百一十八河州戶一萬四千九百四十二

臣等謹按以上金史地理志所載十九路戶數約共九百九十三萬九千有奇較前食貨志泰和極盛時數尚多二百二十五萬五千餘戶兩志互異故並存之

欽定續文獻通考卷十二

欽定四庫全書

欽定續文獻通考卷十三

戶口考

戶口丁中

元初算賦之制中原以戶西域以丁蒙古以馬牛羊至
世祖定戶籍之制則有元管戶交叅戶漏籍戶協濟戶
於諸戶之中又有絲銀全科戶減半科戶止納絲戶止
納鈔戶又有攤絲戶儲伊蘇岱爾所管納絲戶復業戶

并漸成丁戶

詳見職役考

太宗五年八月括中州戶得戶七十三萬餘

至八年六月復括中州戶口計得續戶一百一十餘萬

臣等謹按此金故地所得戶數也地理志謂是時

自燕京順天等三十六路戶八十七萬三千七百八十一與此不同考之兵志太宗十三年八月諭總管萬戶劉黑馬據色埒默奏呼圖克等元籍諸

路民戶一百萬四千六百五十六戶除逃戶外有
七十二萬三千九百一十戶隨路總餉軍一十萬
五千四百七十一名點數過九萬七千餘外近因
蝗旱民力艱難往往在逃觀此是本紀所書者括
籍時實數也地理志所載者除逃戶外之實數也
至耶律楚材傳謂呼圖克所括戶一百四萬亦與
兵志小異則各就一時聞見者言之耳

八年初定中原戶賦

元初惟事進取所降之戶因以與將士自一社之民
各有所主不相統攝至是詔括戶口以大臣呼圖克
領之民始隸州縣時羣臣共欲以丁為戶中書令耶
律楚材曰不可丁逃則賦無所出以戶定之衆皆曰
我朝及西域諸國莫不以丁為戶豈可舍大朝之法
而從亡國之政耶楚材曰自古有中原者未嘗以丁
為戶若果行之可輸一年之賦隨即逃散矣帝從楚
材之議

七月詔以真定民戶奉太后湯沐中原諸州民戶分賜諸王貴戚

定宗二年十月括人戶

憲宗九年勅諸王不得擅招民戶

二年籍漢地民戶

元史良史傳曰譚澄為交城令憲宗二年大籍其民澄盡削交城之不土著者賦以時集

董文炳傳曰時朝廷初料民令敢隱實者誅籍其

家文炳為藁城令使民聚口而居少為戶數由是
賦歛大減

立儒人免丁之令

時料民丁夫額訥格爾贊卜只兒斷事官事中原凡
業儒者試通一經即不同編戶著為令儒人免丁自
額訥格爾始

三年正月括烏魯斯戶口

至八年二月括興元戶口

世祖中統元年立十路宣撫司定戶籍

凡元管交參等口籍皆于是時定

李昶傳曰世祖初即位召昶至開平訪以國事時
徵需煩重行中書省科徵稅賦雖逋戶不償昶移
書時相曰側聞欲據丁已戶籍科徵租稅比之見
戶或加多十六七止驗見戶應輸猶恐不逮復令
包補逃故必致艱難苟不以撫字安集為心惟事
供億則諸人皆能之豈聖上擢賢更化之意哉于

是省府為蠲逋戶之賦

二年六月括滿籍老幼等戶協濟編戶賦稅

是月又罷舞陽董戶藤花戶還之有司七月諸王昌
通括江南漏籍戶五百命付之有司四年十二月勅
駙馬阿爾布哈葡萄戶依民例輸賦

八月核實新增戶口措置諸路轉輸法

是月命劉整招懷慶夔府嘉定等民戶

三年五月詔覈實逃戶戶口增者賞之隱匿者罪之

其後數年西蜀四川行省平章政事賽音諤德齊沙
木斯鼎莅官三年增戶九千五百六十五詔賞銀五
千兩太原路總管伊埒蒙古岱坐匿戶罷職為民
至元三年七月詔令西夏之民還本籍成都新民為豪
家所庇者歸之州縣

六年二月免單丁貧乏軍士一千九百餘戶為民

六月免益都新僉軍單丁者千六百二十一人為民
十五年七月復上都守城軍二千人為民九月分揀

諸路所括軍驗事力乏絕者為民又減至元九年所
括三萬軍半以為民十六年九月女直碩達勒達軍
不出征者令隸民籍輸賦十七年三月勅軍戶貧乏
者還民籍

七年五月括天下戶

是歲新括協濟合併戶為數凡二十萬五千一百八
十七月閱實諸路斂手戶其後九年七月拘括開元
東京等路諸漏籍戶及詔分閱大都京兆等處特默

齊奴戶名籍十二年四月括諸寺闡遺人戶十六年
六月拘括河西西番闡遺戶十一月詔四川宣慰司
括軍民戶數十二月括甘州戶十七年五月括沙州
戶丁定常賦二十一年閏五月括四州民戶二十六
年閏十月復籍之二十七年二月括河間實保齊戶
口

八年三月命尚書省開實天下戶口頒條畫諭天下
十二年正月徙襄陽新民七百戶于河北

三月于中興路置懷寧靈武二縣分處新民四千八百戶

諸蕃戶始內附

是年三月側布蕃官稅皆確州蕃官莊寮男車甲等率四十三族戶五千一百六十詣四川行樞密院來附十四年四月宋特磨道將軍農士貴等以所屬州縣溪洞百四十七戶二十五萬六千來附五月西番長阿立丁賓占等三十一族來附得戶四萬七百十

五年十一月攻漳州得山寨百五十戶百萬一十六
年六月招忙木巨木禿等寨三百籍戶十一萬二百
七月西南八番羅氏等國來附洞寨凡千六百二十
有六戶凡十萬一千一百六十有八二千六年三月
金齒人塞完以其民二十萬一千戶有奇來歸六月
西南夷中下爛土等處洞長忽帶等以洞三百寨百
一十來歸得戶三千餘七月四川山濟蠻民四寨五
百五十戶內附閏十月西南夷生番心梭等八族計

千二百六十戶內附二十九年二月烏魯斯招附桑
州生貓羅甸國古州等峒酋長三十一所部民十二
萬九千三百二十六戶請闕貢獻

臣等謹按山澤溪洞之民雖不在版籍之內然當
時混一區宇威震百蠻不贊不臣之人咸思內嚮
亦開國時盛事也因採世祖紀文以存其畧至成
武以後則未暇詳焉

十三年平宋通得江淮浙東西湖南北等路戶九百三

十七萬四百七十二口一千九百七十二萬一千一十

五

十二月詔諭浙東西江東西淮南北湖南北府州軍
縣官吏軍民昔以萬戶千戶漁奪其民致令逃散今
悉以人民歸之元籍州縣凡管軍將校及宋官吏有
以勢力奪民產業者俾各歸其主無主則以給附近
人民之無生產者

十八年閏八月以江南民戶分賜諸王貴戚功臣

時先後受賜者諸王十六人后妃公主九人勲臣三十六人凡先朝勲戚亦加賜諸王自一二萬戶以上有多至十萬戶者勲臣自四萬戶以下至數千數百數十戶不等

臣等謹按此以江南民戶賜諸臣令食其戶鈔也

詳見職役考

十九年二月籍福建戶數

二十九年正月江西行省左丞高興言江西福建汀

漳諸路連歲盜起百姓入山以避乞招諭復業詔從之

九月籍雲南新附民

自烏梁海鎮雲南凡八籍民戶四籍民田民以為病至是令已籍者勿動新附者籍之其後二十九年正月播州洞蠻因籍戶懷疑竄匿降詔招集之五月詔諭思州民因閱戶驚逃者各使安業

二十年正月撥呼蘭及塔爾巴噶等四千戶隸皇太子

位下

二十九年二月伊實布招無籍民千四百三十六戶
請隸東宮詔命之耕田

元史裕宗傳曰世祖時叅政劉思敬遣其弟思恭
以新民百六十戶來獻太子問民所從來對曰思
敬征重慶時所俘獲者太子感然曰歸語汝兄此
屬宜隨所在放遣為民毋重失人心

招內地民戶之流移江南者使復業

刑部尚書崔或言江南既定中原之民相率南遷以避徭役者十八九數年之間亡失十五六萬餘戶去家就旅豈人之情賦重政煩驅之至此乞特降詔旨招集復業量免科役蠲除積欠給還事產郡縣長吏滿替以戶口增耗為黜陟其徙江南不還者與本土之人一例差徭庶幾流亡自歸田野日闢詔下廷臣議行之

十一月徙甘肅沙州民戶復業

二十一年五月縱江南匠戶無藝業者為民

阿爾呼木言曩于江南民戶之中撥匠戶三十萬其
無藝業者多今已選定諸色人匠餘十九萬九百餘
戶宜縱令為民從之

二十二年二月定京城民居

時修完大都城詔舊城居民之遷京城者以資高及
居職者為先仍定制以地八畝為一分其或地過八
畝及力不能作室者皆不得冒據聽民作室

二十五年二月料簡江南站戶

二十六年二月十月再籍江南戶口凡北方諸色人寓居者亦就籍之

二十七年四月江淮行省言近朝廷遣使議令發魚并戶偕宗宗族赴京人心必致動搖江南之民方患增課料民括馬之苦宜俟他日行之從之

二十七年正月遣所籍高麗民戶還其國

九年十二月諸王呼喇珠嘗拘括逃民高麗界中高

麗達魯噶齊上其事詔高麗之民猶未安集禁罷之至是高麗國王王晙言臣昔宿衛京師遭林衍之叛國內大亂高麗民居大同者皆籍之臣願復以還高麗為民從之

二十九年八月勅禮樂戶仍與軍站民戶均輸賦

世祖時天下戶口數

中統二年天下戶一百四十一萬八千四百九十九至元十二年天下戶四百七十六萬四千七十七二

十八年戶部上天下戶數內郡百九十九萬九千四
百四十四江淮四川一千一百四十三萬八百七十
八口五千九百八十四萬八千九百六十四游食者
四十二萬九千一百一十八僧尼二十一萬三千一
百四十八人

元史地理志曰初太宗六年甲午得金中原州郡
七年乙未下詔籍民自燕京順天等三十六路戶
八十七萬三千七百八十一口四百七十五萬四

千九百七十五憲宗二年壬子又籍之增戶三十
餘萬世祖至元七年又籍之又增三十餘萬十三
年平宋金有版圖二十七年又籍之得戶一千一
百八十四萬八百有奇于是南北之戶總書于策
者一千三百一十九萬六千二百有六口五千八
百八十三萬四千七百一十有一而山澤溪洞之
民不與焉

臣等謹按以上世祖紀至元二十八年合計得戶

一千三百四十三萬三百二十二較地理志二千
七年多二十萬當兵革之餘流移未定閱一年而
數加于前亦理勢之常也但地志載文宗至順元
年一千三百四十萬六百九十九戶謂視前又增
二十萬有奇是至元二十八年不應已有此數若
據此數而論則至順之視至元少三萬戶耳何云
增耶二說不同存之以備參考

成宗大德三年七月放江南僧寺佃戶五十萬為編民

時江南編民五十餘萬悉為楊璉真加冒入寺籍為
佃戶中書省臣言宜加釐正從之後武宗至大元年
五月禁白蓮社毀其寺宇以其民還隸民籍仁宗延
祐六年十月省臣言白雲宗總攝沈明仁誑誘愚俗
十萬人請汰其徒從之

先是世祖至元七年九月勅僧道伊囉勒昆有室家
不持戒律者占籍為民累朝屢申其禁至英宗至治
二年十一月括江南僧有妻者為民泰定帝泰定元

年六月平章政事張珪言僧道出家屏絕妻孥蓋欲
超出世表是以國家優視無所徭役且處之官寺宜
清淨絕俗誦經祝壽比年僧道往往畜妻子無異常
人如蔡道泰班講主之徒傷人逞欲壞教干刑者何
可勝數俾奉祠典豈不褻天瀆神臣等議僧道之有
妻子者宜罪以舊制罷遣為民疏入不能從

十一年十一月

時武宗
已即位

禁軍站鷹坊控鶴等戶冒站編

氓

武宗至大元年三月罷括諸王散失人戶

中書省言郇王哲古訥人戶散失詔有司括索臣等
議昔阿濟格括索所失人戶成宗慮其為例不許今
若括索未免擾民且諸王必多援例乞寢其事從之
又莊聖皇后及諸王胡土克圖人戶散入他郡降璽
書括索陝西行省及真定等路言百姓均在國家版
籍今所遣使輒奪軍驛編民等戶非宜省臣以聞帝
曰彼奏誤也速追以還

仁宗皇慶元年三月勅諸土托克托所招戶其未籍者
俾隸有司

至延祐二年五月桂齊等招戶六千勒還民籍

延祐二年二月禁民轉鬻養子

英宗至治二年五月置營於永平收養蒙古子女遣使
諭四方匿者罪之

是年三月給宗仁衛蒙古子女衣糧九月給蒙古子
女貧乏者鈔七百五十萬貫又賜百五十萬貫至三

年正月以宗仁衛蒙古子女額足萬戶命罷收之

恭定帝恭定元年七月罷廣州福建等處採珠蜑戶為

民

三年八月諭廉州蜑戶使復業

政和元年五月遣官分護流民還鄉仍禁聚至千人者杖一百

文宗時戶口數

至順元年戶部錢糧戶數一千三百四十萬六百九

十九視前世又增二十萬有奇

元各路戶口數

腹裏中書省

大都路戶一十四萬七千五百九十口
四十萬一千三百五十一上都路戶四萬

一千六十二口一十一萬八千一百九十一興和路
戶八千九百七十三口三萬九千四百九十五永平
路戶一萬三千五百一十九口三萬五千三百德寧
淨州泰寧集寧應昌金寧寧昌砂井總管府以上戶
口俱缺保定路戶七萬五千一百八十二口一十三
萬九百四十真定路戶一十三萬四千九百八十六
口二十四萬六千七百七十順德路戶三萬五百一口一
十二萬四千四百六十五廣平路戶四萬一千四百
四十六口六萬九千八十八彰德路戶三萬五千二
百四十六口八萬八千二百六十六大名路戶六萬八千

六百三十九口一十六萬三百六十九懷慶路戶三	萬四千九百九十三口一十七萬九百二十六衛輝	路戶二萬二千一百一十九口一十二萬七千二百	四十七河間路戶七萬九千二百六十六口一十六	萬八千五百三十六東平路戶四萬四千七百三十	一口五萬一百四十七東昌路戶三萬三千一百二	口一十二萬五千四百六濟寧路戶一萬五百四十	五口五萬九千八百一十八曹州戶三萬七千一百	五十三口一十九萬五千三百三十五濮州戶一萬	七千三百一十六口六萬四千二百九十三高唐州	口一萬九千一百四十二萬三千一百二十一泰安	州戶九千五百四十口一萬七千九百九十五德州戶二	萬四千四百二十四口一十五萬六千九百五十二	恩州戶一萬五百四十五口三萬七千四百七十九	冠州戶五千六百九十七口二萬三千四百五十二	戶七萬七千一百六十四口二十一萬二千五百二
----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	------------------------	----------------------	----------------------	----------------------	----------------------

濟南路戶六萬三千二百八十九口一十六萬四千八百八十五般陽府路戶二萬一千五百三十口一十二萬三千一百八十五寧海州戶五千七百一十三口一萬五千七百四十二大同路戶四萬五千九百四十五口一十二萬八千四百九十六冀寧路戶七萬五千四百四十一口一十五萬五千三百二十一晉寧路戶一十二萬六百二十口二十七萬一百二十一

嶺北行省

戶口
缺

遼陽行省

遼陽路戶三千七百八口萬三千二百三十一廣寧府路至順錢糧數戶四千五百

九十五大寧路戶四萬六千六口四十四萬八千一百九十三東寧路戶口缺瀋陽路至順錢糧數戶五千一百八十三開元路至順錢糧數戶四千三百六十七咸平府戶口缺合蘭府戶口缺

河南江北行省

汴梁路戶三萬一十八口一十八萬四千三百六十七河南府路戶九千

五百二口六萬五千七百五十一南陽府戶六萬九千二百四十八百九十三汝寧府至順錢糧數戶七

千七十五歸德府至順錢糧數戶二萬三千三百一十七襄陽路至順錢糧數戶五千九百九十

萬九千一百九十口二十四萬九千三百二十一黃州路戶一萬四千八百七十八口三萬六千八百七

十九廬州路戶三萬一千七百四十六口二十二萬九千四百五十七安慶路戶一萬七千九百九十二

口九萬七千六百一十一安慶路戶三萬五千一百六十二萬七千六百一十一揚州路戶二萬四千一百

九千四百六十六口一百四十七萬一千一百九十四淮安路戶九萬一千二百二十二口五十四萬七千三

百七十七高郵府至順錢糧數戶五萬九千八百七十七口五十九萬九千二百八十二口五十九萬九千二百

二十四峽州路戶三萬七千二百九十一口九萬三千九百四十七安陸府戶一萬四千六百六十五口三萬三千五百五十四沔陽府戶一萬七千七百六十六口三萬九百五十五荊門州戶二萬九千四百七十一口一十六萬五千四百三十五德安府戶一萬九百二十三口三萬六千二百一十八

陝西行省

奉元路戶三萬三千九百三十五口二千七百一十一萬一千三百九十九延安路戶六千五百三十九口九萬四千六百四十一興元路戶二千一百四十九口一萬九千三百七十八鳳翔府戶二千八百一十一口一萬四千九百九十八

千八十一口一萬四千九百八十八邠州涇州開成州以上戶口俱缺鞏昌府戶四萬五千一百三十五口三十六萬九千二百七十二平涼府慶陽府秦州隴州寧州定西州鎮原州西和州環州金州靜寧州蘭州會州徽州階州成州金洋州河州路雅州黎州洮州貴德州茂州脫思麻路岷州鐵州岷門魚通黎雅長

河西寧等處宣撫司以上戶口俱缺

四川行省 成都路戶三萬二千九百一十二口二十

缺廣元路戶一萬六千四百四十二口九萬六千四百

百六順慶路戶二千八百二十一口九萬五千一百

五十六潼川府戶口缺永寧路戶口缺重慶路戶二

萬二千三百九十五口九萬三千五百三十五紹慶

府戶三萬九千四百四十口一萬五千一百八十九

路戶二萬二千九百九十九口八千九百八十九

口缺馬湖路戶口缺

甘肅行省 甘肅路戶一千五百五十口二萬三千九

百八十七永昌路戶口缺肅州路戶一千

二百六十二口八千六百七十九沙州路戶口缺亦

集乃路戶口缺寧夏府路戶口缺山丹州路戶口缺西

寧州戶口缺兀
刺海路戶口缺

雲南行省戶口缺

江浙行省

杭州路戶三十六萬八百五十口一百八十三萬四千七百一十湖州路至順錢糧

數戶二十五萬四千三百四十五嘉興路戶四十二萬六千六百五十六口二百二十四萬五千七百四

十二平江路戶四十六萬六千一百五十八口二百四十三萬三千七百四十七百常州路戶二十萬九千七百三

十二口一百二萬一十一鎮江路戶一十萬三千三百一十五口六十二萬三千六百四十四建德路戶

一十萬三千四百八十一口五十萬四千二百六十四松江府至順錢糧數戶一十六萬三千九百三十

一江陰州戶五萬三千八百二十一口三十萬一百七十七慶元路戶二十四萬一千四百五十七口五

十一萬一千一百一十三	衡州路戶一十萬八千五
百六十七口五十四萬三千六百六十	婺州路戶二
十二萬一千一百一十八口一百七萬七千五百四	
十給興路戶一十五萬一千二百三十四口五十二	
萬一千五百八十八	溫州路戶一十八萬七千四百
三口四十九萬七千八百四十八	台州路戶一十九
萬六千四百一十五口一百萬五千八百三十三	處
州路戶一十三萬二千七百五十四口四十九萬三	
千六百九十二	寧國路戶二十三萬二千五百三十
八口一百一十六萬二千六百九十	徽州路戶一十
五萬七千四百七十一口八十二萬四千三百四	饒
州路戶六十三萬二千三百五	
百七十集慶路戶二十一萬四千五百三十八口一	
百七萬二千六百九十一	太平路戶七萬六千二百二
口四十四萬六千三百七十一	池州路戶六萬八千
五百四十七口三十六萬六千五百六十七	信州路

戶一十三萬二千二百九十口六十六萬二千二百
五十八廣德路戶五萬六千五百一十三口三十三
萬九千七百八十鉛山州至順錢糧數戶二萬六千
三十五福州路戶七十九萬九千六百九十四口三
百八十七萬五千一百二十七建寧路戶一十二萬
七十二百五十四口五十萬六千九百二十六泉州
路戶八萬九千六十口四十五萬五千五百四十五
興化路戶六萬七千七百三十九口三十五萬二千
五百三十四邵武路戶六萬四千一百二十七口二
十四萬八千七百六十一汀州路戶四萬一千四百
二十三口二十三萬八千一百二十七漳州路戶
二萬一千六百九十五口一十萬一千三百六

江西行省

龍興路戶三十七萬一千四百三十六口
一百四十八萬五千七百四十四吉安路

戶四十四萬四千八十三口二百二十二萬四百一
十五瑞州路戶一十四萬四千五百七十二口七十

一萬七千九百九十二口五萬三千九百六十潮州路戶	戶一萬九千八百三口九萬九千一百五十五南雄路戶	五百八十四口一十七萬六千二百五十六惠州路	口一百一十二萬一千二百九十六韶州路戶一萬九千	十二萬八千九百廣州路戶一十七萬二千一百一十六	三千六百六十六南豐州戶二萬五千七十八口一	三百三十八南安路戶五萬六千一百一十一口三十萬	建昌路戶九萬二千二百二十三口五十五萬三千	萬一千二百八十七口二十八萬五千一百四十八	百七十八口四十七萬八千三百九十贛州路戶七	口五十萬三千八百五十二南康路戶九萬五千六	二千二百七十五江州路戶八萬三千九百七十七	撫州路戶二十一萬八千四百五十五口一百九萬	五萬八千三百四十八口七十九萬一千七百四十	十三口九十九萬二千八百一十五臨江路戶一十	二萬二千三百二袁州路戶一十九萬八千五百六
------------------------	------------------------	----------------------	------------------------	------------------------	----------------------	------------------------	----------------------	----------------------	----------------------	----------------------	----------------------	----------------------	----------------------	----------------------	----------------------

六萬三千六百五十口
四十四萬五千五百五十德
慶路戶一萬二千七百五十口
三萬二千九百九十七
肇慶路戶三萬三千三百三十八口
五萬五千四百
二十九英德州戶口缺
梅州戶二千四百七十八口
一萬四千八百六十五
南恩州戶一萬九千三百七
十三口
九萬六千八百六十五
封州戶二千七十七
口
一萬七百四十二
新州戶一萬一千三百一十六
口
六萬七千八百九十六
桂陽州戶六千三百五十五
六口
二萬五千六百五十五
連州戶四千一百五十五
四口
七千一百四十一
循州戶一千六百五十八口
八千二百九十

湖廣行省

武昌路戶一十一萬四千六百三十二口
六十一萬七千一百一十八
岳州路戶一

十三萬七千五百八十七
八萬七千七百四十三
常德路戶二十萬六千四百二十五口
一百二萬六

千四十二	澧州路戶一十萬九千九百八十九口一
百一十一萬	一千五百四十三辰州路戶八萬三千
二百二十三	口一十一萬五千九百四十五沅州路
戶四萬八千六百三十二口七萬九千五百四十五	
興國路戶五萬九百五十二口四十萬七千六百一	
十六漢陽路戶一萬四千四百八十六口四萬八	
百六十六歸州路戶七千四百九十二口一萬九百六十	
四靖州路戶二萬六千五百九十四口六萬五千九	
百五十五天臨路戶六十萬三千五百一口一百八	
萬一千一十衡州路戶一十三萬三千三百七十三	
口二十萬七千五百二十三	道州路戶七萬八千一
十八口一十萬九百八十九	永州路戶五萬五千六
百六十六	口一十萬五千八百六十四郴州路戶六
萬一千二百五十九口九萬五千一百一十九	全州
路戶四萬一千六百四十五口二十四萬五千一百一	
九寶慶路戶七萬二千三百九口一十二萬六千一	

百五武岡路戶七萬七千二百七口三十五萬六千
八百六十三桂陽路戶六萬五千五百七口一十萬
二千二百四茶陵州戶三萬六千六百四十二口一
十七萬七千二百二耒陽州戶二萬五千三百一十
一口一十一萬一十常寧州戶一萬八千四百三十
一口六萬九千四百二靜江路戶二十一萬八百五
十二口一百三十五萬二千六百七十八南寧路戶
一萬五百四十二口二萬四千五百二十梧州路戶
五千二百口一萬九百一十柳州路戶九千二百四
十八口三萬八千九百一十潯州路戶九千二百四
三口三萬六千九百九十四慶遠南丹溪洞等處軍民安
撫司戶二萬六千五百三十七口五萬二千五百十三
平樂府戶七千六百七十七口三萬三千八百二十鬱林
州戶九千五百三十三口五萬一千五百二十八容州戶
二千九百九十九口七千八百五十四象州戶一萬
九千五百九十八口九萬二千一百二十六賓州戶

六千一百四十八口三萬八千八百七十九	四千九百八十三萬一千四百七十六	一千三百九十三口三萬九千三百三十四	四千二百九十五口一萬一千二百一十八	八千六百七十六口三萬九千二百三十五	八千八百九十一口二萬八千一百一十一	千二百二十九口一萬八千五百一十	千三百一十九口二萬二千一百八十六	二千九百九十一口一萬六千九百一十	缺鎮安路戶口缺雷州路戶八萬九千五百三十五	口一十二萬五千三百一十	百四十九口五萬二千三百一十七	四千六百七十五口四萬三千四百九十三	戶一萬三千五百五十九口六萬一千三百九十三	廉州路戶五千九百九十八口一萬一千六百八十	六乾寧軍民安撫司戶七萬五千八百三十七口一
-------------------	-----------------	-------------------	-------------------	-------------------	-------------------	-----------------	------------------	------------------	----------------------	-------------	----------------	-------------------	----------------------	----------------------	----------------------

十二萬八千一百八十四南寧軍戶九千六百二十七口二萬三千六百五十二萬安軍戶五千三百四十一口八千六百八十六吉陽軍戶一千四百三十九口五千七百三十五

征東等處行省

戶口俱缺

明制凡行郊祀禮中書省以戶籍陳壇下薦之天祭畢而藏之

戶凡三等曰民曰軍曰匠民有儒有醫有陰陽軍有校尉有力士弓鋪兵匠有厨役裁縫馬舡之類瀕海有鹽竈寺有僧觀有道士畢以其業著籍人戶以籍

為斷里設老人選高年為衆所服者導民善平鄉里
爭訟其人戶避徭役者曰逃戶年饑或避兵他徙者
曰流民有故而出僑於外者曰附籍朝廷所移民曰
移徙

太祖洪武二年令人戶以籍為斷

凡軍民醫匠陰陽諸色戶許各以原報抄籍為定不
許妄行變亂違者治罪仍從原籍

又令各處漏口脫戶許自實

三年七月令戶部榜諭天下軍民凡有未占籍者許自首軍發衛所民歸有司匠隸工部

三年六月徙蘇州松江嘉興湖州杭州民無業者四十餘戶於臨濠

四年三月徙山後民萬七千戶於北平六月魏國公徐達平沙漠徙北平山後民三萬五千八百餘戶散處諸府衛籍軍給衣糧民給田又以沙漠遺民三萬三千八百餘戶屯田北平其後復徙江南民十四萬

于鳳陽二十一年遷山西澤潞民于河北後屢徙浙
西山西民于滁和北平山東河南又徙登萊青民于
東昌兗州又徙直隸浙江民二萬戶于京師充倉脚
夫

明史食貨志曰太祖時徙民最多其間有以罪徙
者建文帝命武康伯徐理往北平度地處之

十一月詔戶部籍天下戶口置戶帖

諭省臣曰民者國之本也今天下已定而民數未覈

實其命戶部籍天下戶口每戶給以戶帖于是戶部置戶籍戶帖各書戶之鄉貫丁口名歲以字號編為勘合用平印鈐記籍藏于部帖給于民仍令有司歲計其戶口之登耗以聞著為令

八年正月設養濟院

命有司察窮民無告者給屋舍衣食又設漏澤園葬貧民天下府州縣立義塚惠帝建文元年二月詔鰥寡孤獨疾廢者官為收養

十四年正月命天下郡縣編賦役黃冊

其法以一百一十戶為里一里之中推丁糧多者十人為之長餘百戶為十甲甲凡十人歲役甲長一人甲首十人董其事城中曰坊近城曰廂鄉都曰里先後各以丁糧多寡為次每里編為一冊冊之首總為一圖其里中鰥寡孤獨不任役者附十甲後為畸零每十年有司更定其冊以丁糧增減而升降之冊凡四一上戶部其三則布政司府縣各存一焉上戶部

者冊面黃紙故謂之黃冊年終進呈送後湖東西二庫度藏之歲命戶科給事中一人御史二人戶部主事四人釐校訛舛其後二十三年八月戶部奏重造黃冊如丁口有增減者即為收除田地有買賣者即令過割務在不虧原額其上中下三等戶亦依原定編類不許更改分丁析戶以避差徭庶幾無移易倚託之患命頒行之次年天下黃冊成

互見田賦職役考

凡冊式內定到田地山塘房屋車船各項款目所在

官司有者依式開寫無者不許虛開若類縣總都總
收除項下止許開寫人丁事產總數不必備開花戶
凡僧道給度牒有田者編冊如民科無田者亦為畸
零凡雲貴流官土官附近馴熟通漢語者編造其餘
夷民不造

明史食貨志曰其後黃冊祇具文有司徵稅編徭
則自為一冊曰白冊云

是年天下戶一千六十五萬四千三百六十二口五千

九百八十七萬三千三百五

二十一年九月編軍戶圖籍

時以內外衛所軍伍有缺遣人追取戶丁往往鬻法
且又騷動于民乃詔自今衛所以亡故軍士姓名鄉
貫編成圖籍送兵部然後照籍移文取之毋擅遣違
者坐罪尋又詔天下郡縣以軍戶類造為冊具載其
丁口之數如遇取丁補伍有司按籍遣之無丁者止
自是無詐冒不實役及親屬同姓者矣二十三年正

月諭兵部尚書沈潛曰兵以衛民民以給兵二者相
須也民不可以重勞軍不可以重役今天下各衛所
多有一戶而充二軍致令民戶耗減自今二軍者宜
免一人還為民

二十三年督令逃民歸業

令監生同各府州縣官拘集里甲審知逃戶有他郡
流移者即時送縣官給行粮押赴原籍復業老弱不
能歸及不願歸者令在所著籍授田輸賦

二十四年令選取富民充實京師

帝懲元末豪強侮貧弱立法多右貧抑富嘗命戶部籍浙江等九布政司應天十八府州富民萬四千三百餘戶以次召見徙其家以實京師謂之富戶至成祖時復選應天浙江富民三千戶附籍北京

二十六年令各處戶口每歲分豁舊管新收開除實在總數

仍定每十年一造黃冊至孝宗弘治四年定先年造

冊之時有將丁口漏報或稅糧詭寄戶籍那移者許
自首改正州縣各計人戶填寫帖文各一紙給發各
戶親領執照使知本戶舊管新收開除實在丁糧各
若干州縣以為憑據

是年天下戶一千六十五萬二千八百七十口六千五
十四萬五千八百一十二

浙江布政司

戶二百一十三萬八千二百二十五
口一千四十八萬七千五百六十七

江

西布政司

戶一百五十五萬三千九百二十三
口八百九十八萬二千四百八十一

湖廣

布政司

戶七十七萬五千八百五十一
口四百七十萬二千六百六十
福建布政司

戶八十一萬五千五百二十七
口三百九十一萬六千八百六
北平布政司
戶三十萬四

千七百九十二口一百九
十二萬六千五百九十五
山東布政司
戶七十五萬三千八百九

十四口五百二十五
萬五千八百七十六
山西布政司
戶五十九萬五千四百四十四

百七萬二千
一百二十七
河南布政司
戶三十一萬五千六百一十七口一百九十一萬二

千五百
四十二
陝西布政司
戶二十九萬四千五百二十六口二百三十一萬六千五百六

十
九
四川布政司
戶二十一萬五千七百一十九口
一百四十六萬六千七百七十八
廣

東布政司

戶六十七萬五千五百九十九
口三百萬七千九百三十二

廣西布政

司

戶二十一萬一千二百六十三口 雲南布政司 戶

萬九千五百七十六口二

應天府

戶一十六萬三千

十五萬九千二百七十

百一十九萬三

蘇州府

戶四十九萬一千五百一十

千六百二十

四口二百三十五萬五千三

十

松江府

戶二十四萬九千九百五十七

常州府

戶一十五萬二千一百六十三

鎮江府

戶八萬七千三

四口七千七萬五千一百一十三

十二萬二千

廬州府

戶四萬八千七百二十

鳳陽府

三百八十三

口三十六萬七千二百

戶七萬九千一百七十

淮安府

戶八萬六千八百九十九

四十二萬七千三百三

口六十三萬二千五

百四

揚州府 戶一十二萬三千九百七十七口

徽州府

戶一

十一

七十三萬六千一百六十五

十二萬五千五百四十八口
寧國府 戶九萬九千七百三十二口

十三萬二千二百五十九口
池州府 戶三萬五千八百二十六口
太

平府 戶三萬五千二百九十口
安慶府 戶五萬五千五百七

十三口四十二萬二千八百四十四口
廣德州 戶四萬四千二百六十七口

徐州 戶二萬二千六百八十三口
滁州 戶三千九百四十四口

千七百九十七口
和州 戶九千五百三十一口

三十一年八月
時惠帝已即位
詔天下衛所軍單丁者放為民

惠帝建文五年八月
時成祖已即位
詔撫綏直隸淮安及北平

湖廣流民於保安州自是以後移徙者鮮矣

五年五月平安南得府州四十八縣一百八十戶三百
十二萬設交趾布政司

自唐之亡交趾淪於蠻服者四百餘年至是復入版
圖十一年七月瓊州府臨高縣民黃茂奉命招諭深
峒那呆等二十四峒生黎黎民來歸者計戶四百有
奇口千三百有奇蓋自初至今招撫諸黎來歸者六
十七處戶三萬有奇十二年四月戶部言廣東瓊州

府宜倫縣民黃凱臨高縣吏王榮安招誘大小英豪
及曹衙南等村黎人二千三十七戶悉願占籍為民
至憲宗成化十一年兩廣總督朱英招撫猺獞效順
者定為編戶給復三年自是歸附日衆凡為戶四萬
三千有奇口十五萬有奇

宣宗宣德三年二月清理逃軍戶籍

諭天下軍逃還鄉有詐為死者有更名充吏卒貼書
倚官害民者有為僧道生員者有投豪勢官民為家

人佃戶行財生理者有隱其丁口寄於別戶并於外境立民籍者並許自告改正違者並其隣里及容隱之人俱如前例論罪又諭凡各州縣勾解逃軍及補役軍丁多於所在官司冒給家人文引供送其家人不行隨送及到衛所不一二月即將文引照身逃回原籍及影射各處潛住或經商受僱於人者有之若此等者許三月內赴官出首與免本罪仍赴原衛所著役故違不首或事發挨究得出本犯發邊遠充軍

戶下別選壯丁一人補原伍兩隣里甲並有司虛出
文引官吏一體問罪

四月招逃民復業

時諭戶部限各處逃徙人民三月內復業凡所負稅
糧悉與蠲免其有久居於彼產業已成者許令占籍
仍命有司善加撫綏五年十一月巡撫河南侍郎許
廊招撫開封等府逃民一十一萬五千六百餘戶兵
部郎中劉文勇招撫漢中逃民一千九百餘人

松江府知府趙豫上安輯逃民疏曰比戶部榜諭
凡逃移人戶皆限三月復業違者與隱藏之家俱
發充軍此法至嚴人知畏懼然亦有未復業者蓋
以公賦有欠私債無償故地荒蕪舊居毀撤難以
措手不能安身乞勅戶部俛榜通行曉諭仍令有
司從實取勘逃亡民戶凡有公私欠負俱停徵三
年凡諸差徭亦在三年之後如是而猶不復業人
猶容隱者依前例發遣充軍庶逃民來歸者衆矣

英宗正統元年造逃戶周知冊

令山西河南山東湖廣陝西南北直隸保定等府州
縣造逃戶周知文冊備開逃民鄉里姓名男婦口數
軍民匠竈等籍及遺下田地税糧若干原籍有無人
丁應承糧差若係軍籍則開某衛軍役及有無缺伍
送各巡撫並清軍御史處督令復業其已成家業願
入冊者給與戶由執照仍令照數納糧若本戶原有
丁多稅糧十石以上今止存一二丁者認種地五十

畝原籍有人辦糧者每人認種地四十畝俱照輕租
民田例起科原係軍匠籍者仍作軍匠附籍該衛缺
人則發遣一丁補役該輸班匠則發遣一丁當匠原
籍民竈籍者俱作民竈籍竈戶免鹽課量加稅糧如
仍不首雖首而所報人口不盡或展轉逃移及窩家
不舉首者俱發甘肅衛所充軍八年令逃軍逃匠逃
囚人等自首免罪各發著役罪重者從實開奏量與
寬減其逃民匠不報籍復業團聚非為抗拒官府不

服招撫者戶長照南北地方發邊衛充軍

二年令各處有司委官挨勘流民

籍男婦大小丁口排門粉壁十家編為一甲互相保
識分屬當地里長帶管若團住山林湖澤或投托官
豪勢要之家藏躲抗拒官司不服招撫者正犯處死
戶下編發邊衛充軍里老窩家知而不首及占愆不
發者罪同

三年禁數姓合戶附籍

四年添設山東山西河南陝西湖廣布政司所屬並順
天等府州撫治流民之官

時添設佐貳官各一員自是之後復添設大員天順
八年添設湖廣布政司參議一員於荆襄漢陽等府
撫治流民憲宗成化元年添設陝西按察司副使一
員於漢中府撫治流民十七年添設四川按察司副
使一員於重慶保順四府撫治流民孝宗弘治八年
添設河南布政司參政一員於南陽府撫治流民九

年令河南分巡汝南道僉事兼理撫民

十三年令老疾致仕事故官家屬附籍者離本籍千里者許附不及千里者發還

景泰中令民籍者收附軍匠竈役冒民籍者發還

景帝景泰二年申隱丁換戶之禁

凡攢造黃冊如有姦民豪戶通同書手或詭寄田地飛走稅糧或隱瞞丁口脫免差徭或改換戶籍埋沒軍伍匠役者或將里甲那移前後應當者許自首改

正入籍免罪凡各里舊額人戶除故絕並全戶充軍
不及一里者許歸併餘剩人戶發附近外里轄圖編
造不許寄莊各圖人戶有兄弟各爨及幼子長而贅
壻願歸親子生而所養異姓子願歸宗者俱准另籍
如人丁數少及有軍匠等役占礙者仍不許分居三
年又令各處攢造黃冊官吏里書人等捏甲作乙以
有為無以無為有者發口外為民

英宗天順元年天下戶九百四十六萬六千二百八十

八口五千四百三十三萬八千四百七十六

八年令在營官軍戶丁舍餘不許附近寄籍原籍丁盡者許摘丁發回

成化二年令在京軍職漏報戶下舍人者發邊方立功三年六年令軍戶不許將弟男子姪過房與人脫免軍伍弘治十三年奏准軍戶子孫畏懼軍役另開戶籍或於別府州縣入贅寄籍等項及至原衛發冊清勾買贖原籍官吏里書人等捏作丁盡戶絕回申

者俱問罪

憲宗成化二年天下戶九百二十萬二千七百一十八口六千六十五萬三千七百二十四

七年十一月荆襄賊平流民復業者一百四十餘萬人時江西盜起荆襄流民數十萬朝廷以為憂祭酒周洪謨著流民圖說謂當增置府縣聽附籍為編氓可實襄鄧戶口俾數百年無患帝善之十二年五月復命副都御史原傑撫治荆襄流民傑徧歷山谿宣朝

廷德意諸流民欣然願附籍於是大會湖廣河南陝西撫按官籍之得戶十一萬三千有奇口四十三萬有奇置鄖陽府設行都司衛所以處之其後弘治十八年四月又命刑部尚書何鑑撫治荆襄流民鑑得戶二十三萬五千有奇口七十三萬九千有奇願附籍者各給戶由收入版籍正德元年十月撫治鄖陽都御史孫需奏續清出荆襄鄖陽南陽漢中西安南流民一十一萬八千餘戶願附籍者九萬二千餘戶

皆給戶田

禮部尚書周洪謨條議流民疏曰

疏上於弘治四年二月

西

漢時召信臣守南陽流民自附八萬餘口東晉時
雍州舊在陝西西安府因流民來聚襄陽乃僞置
南雍州於襄水之側松滋縣舊在直隸廬州府因
流民來聚荊州乃僞置松滋縣於荊江之南其後
南雍遂併於襄陽松滋遂隸於荊州此往事之可
法者也成化七年從檢討張寬之奏流民聚此處

者械歸故里適值溽暑因饑渴而死妻子被掠瘟疫盛行船夫遁解者懼其相染故覆舟於江後令都御史原傑招撫計死者九十餘萬人故當時四川陝西地震五百餘次災傷徧於天下今事之宜鑒者也今宜著令流民與各郡縣相隣者倣召信臣故事聽其附籍仍復九年待其安定然後徵之遠而不可附籍者倣晉南雍州松滋縣故事設州縣置官吏編里甲建庠序以治教之今流民在在

有之四川湖廣尤多凡流民所在宜令附籍量為賑給寬徭省刑承絕戶田地者使納其糧力耕火種者免之則流民即良民矣

臣等謹按洪謨此疏則成化七年復業之一百四

十餘萬人其械歸而道死者已十之七矣而會典乃謂成化六年令流民願歸原籍者有司給文憑沿途口給糧三升原籍無屋者受草房四間大口月糧三斗小口半之給牛種令耕原業田是以轉

死之民充還定安集之數也不亦誣乎

十六年八月申存恤孤老之令

先是成祖永樂三年二月巡按福建御史洪湛言存恤孤老王政所先今各府州縣養濟院多頽壞有司非奉勘合不敢修葺又或有一縣之內素無建置者乞勅有司常加修葺未建置者即建置之如例收養庶無告之民不致失所帝納之至是復申命焉其後孝宗弘治十五年七月命各邊衛設養濟院漏澤園

十八年更定軍丁附籍法

各衛所附籍軍丁無糧草者盡發原衛當差有者戶
留一丁頂補其原無籍名有產欲報者亦准一丁附
籍

孝宗弘治四年天下戶一十一萬三千四百四十六口
五千三百二十八萬一千一百五十八

浙江布政司

戶一百五十萬三千一百二十四
口五百三十萬五千八百四十三

江西

布政司

戶一百三十六萬三千六百二十
九口六百五十四萬九千八百

湖廣布政

司

戶五十萬四千八百七十四

福建布政司

戶五十萬

六十三萬九千二百

山東布政司

戶七十七萬五千七百

一十萬六千六十

十五萬九千

山西布政司

戶五十七萬五千二百四十九口四百三十六萬四

六百七十五

河南布政司

戶四十三萬六千八百四十三口二百六十一萬四千三百九十八

陝西布政司

戶三十萬六千六百四十四口三百九十一萬二千三百七十

四川布

政司

戶二十五萬三千八百三十二口百五十九萬八千四百六十

廣東布政司

戶四

十六萬七千三百九十四口一百八十一萬七千三百八十四

廣西布政司

戶四十五萬九

千六百四十口一百六十七萬六千二百七十四

雲南布政司

戶一萬五千九百五十口

一十二萬五千
九百五十五

貴州布政司

戶四萬三千三百六十
七口二十五萬八千六

百九
十二 順天府

戶一十萬五千一百一十八口

永平府

戶二萬三

千五百三十九口二十
二萬八千九百四十四

保定府

戶五萬六千三百三十九口五十八萬二千四

百八
十二 河間府

戶四萬二千五百四十八口

真定府

戶五

萬九千四百三十九口五
十九萬七千六百七十三

順德府

戶二萬一千六百一十四口一十八

萬一千八百二十五 廣平府

戶二萬七千七百六十四口

大名

府 戶六萬六千二百七十五
十七萬四千九百七十二

延慶州

戶一十七萬八千七百五

百四
十四 保安州

戶四百四十五口

應天府

戶一十四萬四千三百六

十八口七十
蘇州府
戶五千三百五十四百九
松江

一萬一千三
府
戶二十萬五千二百六
常州府
戶五萬一百二

十二萬七千一百一十三
萬八千三
鎮江府
戶六萬八千三百四十四
廬州府

百六十三
戶三萬六千五百四十八口
鳳陽府
戶九萬五千一

四十八萬六千五百四十九
萬一千
淮安府
戶二萬七千九百七十八口
揚州府

一百八
戶一十萬四千一百四十六
徽州府
戶七千二百五

十五萬六千五百四十七
千八百
寧國府
戶六萬三千六百四十三
池州府

六十一
六十一
戶十七萬一千五百四十三
太平府
戶二萬九千四百六十

萬四千九百七十八
萬九千四百七十八
太平府
戶六口一十七萬三千六

百九十九
安慶府
戶四萬六千五百六十九
廣德州
戶四萬五千四百三十九

口一十二萬七千七百九十五
徐州
戶三萬四千八百八十六
口一十一萬四千三百一十一
滁州
戶七千四百五十四

和州
戶七千四百五十四
六萬七千一十六

十七年令撫按官嚴督所屬清查流民

流民不願回還者就令附籍如隻身無產并新近逃

來軍匠等籍遞回原籍世宗嘉靖九年令各省乘大

造之年查勘各屬流民四十一年令遼東飢民流入

永平河間海傍住居及航海渡登萊者給文遣歸勢

家占恡不法者以隱匿逃軍論

武宗正德元年天下戶九百一十五萬一千七百七十三口四千六百八十萬二千五

十五年令今後攢造里甲止據人戶丁產見在官第其等則

如本里人戶不數十甲之數就於附近里內人戶撥補完足若分析戶籍不問本里他圖本圖果有消乏亦許還併

世宗嘉靖元年天下戶九百七十二萬一千六百五十二口六千八十六萬一千二百七十三

六年詔巡城御史嚴督各該兵馬司官查審京師附住各處軍民

除浮居客商外其居住年久置立產業房屋鋪面者責令附籍宛大二縣一體當差仍暫免三年以示存恤若有冒假衛所籍貫者行勘發遣

九年令各處州縣查審消乏里分不成甲者驗其丁產

歸併務使一十一戶為甲

四十四年九月令將流寓人戶編入版籍

從巡按御史孫丕揚奏也丕揚言各州縣里甲空缺
乞將流寓人戶編入版籍或補缺戶缺丁通融協濟
應徵銀兩照舊追納仍照客戶徵入之數以蠲主戶
之均徭從之

穆宗隆慶五年總括順天府屬人丁實數

會典原載府屬戶口六十六萬九千三十有奇至是

總括實在人丁止十四萬七千三百有奇蓋因租庸
正額之外更多雜派是以土著民多逃移日就凋耗
也神宗萬厯五年府尹王之垣奏請優恤從之

六年天下戶一千六十二萬一千四百三十六口六千

六十九萬二千八百五十六

浙江布政司

戶一百五十四萬二千四百
八口五百一十五萬三千五

江西布政

司

戶一百三十四萬一千五百
五百八十五萬九千二十六

湖廣布政司

戶五十
四萬一

千三百一十口四百三十

福建布政司

戶五十一萬
五千三百七

九萬八千七百八十五

口一百七十三萬
八千七百九十三
山東布政司 戶一百三十七萬二

十六萬四
千九十九
山西布政司 戶五十九萬六千九十七口

十
九
河南布政司 戶六十二萬三千六十七口
陝西布

政司 戶三十九萬四千四百二十三
四川布政司 戶

十六萬二千六百九十四口
廣東布政司 戶五十三

三百一十萬二千七十三
廣西布政司 戶二十一萬八千七百

萬六千一百五十五
雲南布政司 戶一十三萬五千五百六十

百七十九
貴州布政司 戶四萬三千四百五十口
順天府 戶

二十九萬九百七十二

十萬一千一百三十四口

永平府

戶二萬五千九十七口二十五萬五

千六百

保定府

戶四萬五千七百一十三口五十二萬五千八百三十三

河間府

戶四

萬五千二十四口四十

真定府

戶七萬四千七百二十一萬九千一百五十二

千五百

順德府

戶二萬七千六百三十三口二十八萬一千九百五十七

廣平府

戶二萬一千四百二十口二

大名府

戶七萬一千一百八十六口六

九萬二千

延慶府

戶二千七百五十五口一萬九千三百六十七

保安州

戶七

百七十二口六

應天府

戶一十四萬三千五百九十七口七十七萬九百一十三

千四百四十五

蘇州府

戶六十萬七百五十五口二百一萬一千九百八十五

松江府

戶二十萬八

千三百五十九口四十
八萬四千四百一十四
常州府 戶二十五萬四千四

千七百
鎮江府 戶六萬九千三百九十一
七十九 十六萬五千五百八十九
廬州府 戶四

萬七千三百七十三口六
十二萬二千六百九十八
鳳陽府 戶一十一萬一千

萬三千三
淮安府 戶一十萬九千二百五
百四十九 九十萬六千三十三
揚州府 戶一

十四萬七千二百一十六口
八十一萬七千八百五十六
徽州府 戶一十一萬八

口五十六萬六
千九百四十八
寧國府 戶五萬二千一百四十八
池

州府 戶一萬八千三百七十七
口八萬四千八百五十一
太平府 戶三萬三千

口一十七萬
安慶府 戶四萬六千六百九十五
六千八十五 十四萬三千四百七十六
廣德

州

戶四萬五千二百九十六
口二十二萬一千五十三

徐州

戶三萬七千八百
四十一口三十四

萬五千七

滁州

戶六千七百一十七口
六萬七千二百七十七

和州

戶八千
八百口

一十萬四千

九百六十

天啟元年天下戶九百八十二萬五千四百二十六口

五千一百六十五萬五千四百五十九

王圻曰按國家戶口登耗有絕不可信者如洪武

十四年天下承元之亂殺慘流竄不減隋氏之末

而戶尚有一千六十五萬四千三百六十二口五

千九百八十七萬三千三百五其後休養生息者
二十餘年至三十五年而戶一千六十二萬六千
七百七十九口五千六百三十萬一千二十六計
戶減二萬七千五百八十三口減三百五十七萬
二千二百七十九何也其明年為永樂元年則戶
一千一百四十一萬五千八百二十九口六千六
百五十九萬八千三百三十七夫是時靖難之師
連歲不息長淮以北鞠為草莽而戶驟增至七十

八萬九千五十餘口驟增至一千二十九萬七千三百十一又何也明年戶復為九百六十八萬五千二十口復為五千九十五萬四百七十比之三十五年戶却減九十四萬一千七百五十九口減五百三十五萬五百五十六又何也九年戶九百五十三萬三千六百九十二口五千一百四十四萬六千八百三十四十年戶一千九十九萬二千四百三十六口六千五百三十七萬七千六百三

十僅一年耳而戶忽增一百四十五萬八千七百
四十四口增一千三百九十三萬七百九十六當
是安南新入版圖其戶口之數至十年始上冊籍
耳然十一年戶復為九百六十八萬四千九百一
十六計減一百三十萬七千五百二十口復為五
千九十五萬二百四十四計減一千四百四十二
萬七千三百八十六又大不可曉也自是休養生
息者五十年而為天順七年戶僅九百三十八萬

五千一十二口僅五千六百三十七萬二百五十
比於舊有耗而無登者何也然不一年而戶為九
百一十萬七千二百五減二十七萬七千八百七
十二口為六千四十七萬九千三百三十增四百
十二萬九千八十其戶口登耗之相反又何也成
化中戶不甚相懸絕二十二年而口至六千五百
四十四萬二千六百八十此盛之極也二十三年
而僅五千二十萬七千一百三十四一年之間而

減一千五百二十三萬五千五百四十六又何也
弘治十七年口至六千一十萬五千八百三十五
十八年戶至一千二百九十七萬二千九百七十
四此又盛也不二年而為正德元年戶僅九百一
十五萬一千七百七十三減三百八十二萬一千
二百一口僅四千六百八十萬二千五十減一千
三百三十萬三千七百八十五又何也自是而劉
六等亂中原監鄆等亂楚蜀江廣無處不被兵而

八年以後口却增至六千三百三十餘萬又何也
然則有司之造冊與戶科戶部之稽查皆僅兒戲
耳掌民部者亦宜留心經理焉

明史食貨志曰太祖當兵燹之後戶口顧極盛其
後承平日久反不及焉靖難兵起淮以北鞠為茂
草其時民數反增於前後乃遞減至天順間為最
衰成弘繼盛正德以後又減戶口所以減者周忱
謂投倚於豪門或冒匠竄兩京或冒引賈四方舉

家舟居莫可踪跡也而要之戶口增減由於政令張弛故宣宗嘗與羣臣論歷代戶口以為其盛也本於休養生息其衰也由土木兵戎殆篤論云

臣等謹按春明夢餘錄曰天啟崇禎之季荒饑相繼市井蕭然版籍不可問矣今考會典所載自萬歷六年而止後惟天啟元年一見於實錄餘歲皆不書至崇禎長編洵崇禎䟽鈔等書無一言及於戶籍者無由考索謹從闕文之義

欽定四庫全書

欽定續文獻通考

欽定續文獻通考卷十三